

佛性論卷第二

竭二

天親菩薩說 陳三藏法師真諦譯

佛性論第三顯體分三因如品第一

復次佛性體有三種三性所攝義應知三種者所謂三因三種佛性三因者一應得因二加行因三圓滿因應得因者二空所現真如

何本

由此空故應得菩提心及加行等乃至道後

法身故稱應得加行因者謂菩提心由此心故能得三十七品十地十波羅蜜助道之法乃至道後法身是名加行因圓滿因者即是加行由加行故得因圓滿及果圓滿因圓滿者謂福慧行果圓滿者謂智斷恩德此三因前一則以無爲如理爲體後二則以有爲願行爲體三種佛性者應得因中具有三性一住自性性二引出性三至得性記曰住自性者謂道前凡夫位引出性者從發心以上窮有學聖位至得性者無學聖位

佛性論顯體分三性品第二

復次三性所攝者所謂三無性及三自性三無性者一無相性二無生性三無真性此三性攝如來性盡何以故以此三性通爲體故無相性者一切諸法但名言所顯自性無相兒故名無相性無生性者一切諸法由因緣生故不由自能生自他並不成就故名無生性無真性者一切諸法離真相故無更別有實性可得故名無真實性復次三種性者一分別二依他三真實別有十種義應知何等爲十一分別名二緣成三攝持四體相五應知六因事說七依境八通達九若無等十依止一分別名者爲隨名言假說故立分別性若無此名言則分別性不成故知此性但是名言所顯實無體相是名分別性依他性者是十二因緣所顯道理爲分別性作依止故立依他性真實性者一切諸法真如聖人無分別智境爲清淨二性爲解脫三或爲引出一切諸德故立真實性是名分別名二緣

成者問曰分別性緣何因故而得顯現答曰由緣相名相應故得顯現問曰依他性緣何因故得成耶答曰緣執分別性故得顯現問曰真實性緣何因得成答曰由分別依他二性極無所有故得顯現故名緣成三攝持者性有三種法有五分言三性者所謂分別依

竭二

二

他真實五法者一相二名三分別思惟四聖智五如如前三是世間智聖智是出世智如是無爲境爲明此五法攝前三性故問曰於五法中幾法攝第一性答曰五法並不可攝何以故爲無體故問曰第二性幾法能攝答曰有四法攝問曰第三性幾法能攝答曰唯如如一法能攝問曰若依他性爲聖智所攝者云何說依他性緣分別性得成答曰依他有二種一染濁依他二清淨依他染濁依他緣分別得成清淨依他緣如如得成故四體相者有二一通二別通者由此三性通能成就一切諸餘真諦或二三四七諦等法故

諸真諦不出三性是以三性爲諸真諦通體二別體者於三性中各有實義何者實義一者分別性體恒無所有而此義於分別性中非不爲實何以故名言無倒故二者依他性體有而不實由亂識根境故是有以非真如故不實何以故因緣義無倒故是以對分別性故名爲有對後真性故非實有是名有不真實三者真實性體有無皆真如如之體非有非無故問曰是三性實相云何答曰分別性實相者人法增益及損減由解此性故此執不生是分別相人法者是分別所作若依真諦觀此人法爲有名增益執若依俗諦觀

竭三

三

此人法是無名損減執若通達此分別性則增益減損二執不生是名分別實性相復次依他性性相者能執所執增益及損減由解此性故故此執不生是名依他性相此能執所執若見真爲有則是增益名爲常見若見俗定無則是損減名爲斷見若通此二性斷

常二執並不得生是名依他實性相唯有似塵識故則無能所無能所故無增益執由有似塵識故無損減執復次真實性相者有無及增益損減執由解此性故執不得生所以者何若執空爲有名增益謗若執空爲無名損減謗若通達此性則二執不生是名真實性相五應知等者問曰是三性幾應知幾不應知答曰一切應知何以故由知三性能通達三解脫門能除三障故知分別性能通達空解脫門除肉煩惱知依他性通達無願解脫門能除皮煩惱知真實性能通達無相解脫門除心煩惱又初解脫障次禪定障後一

此三性是故佛說不了義經如緣有燈故知物在暗中後時因燈能得了現暗中之物如來亦尙由有著三性者故說不了義經達三性者自然顯了名了義經如經中說若人已得無生法忍則不退墮問曰此言云何成立答曰由有三性故則得成立如來約分別性故說本來無生忍約依他性故說自性無生忍約真實性故說惑垢苦本性無生忍問曰如來約何性說如此義言一切諸法無生無滅本來寂靜自性涅槃耶答曰約無相性說如是言問曰如來約何法說一切諸法譬如幻化耶答曰約無生性說問曰如來約何法說如是言一切諸法譬如虛空答曰約真實性說是故佛因三性說故有了不了義經七依境者問曰此三性爲何智境答曰分別性者唯是凡惑境非聖智境何以故無體相故依他性者爲聖凡俗智境是俗有故真實性以是義故說應知等六因事說諸佛說法有二種一了義經二不了義經不了義經者由

攝一切如理則無顛倒是名依境八通達者
 問曰修觀行人若通達分別性者為當可說
 行執相中為不可說行執相中耶答曰若由
 執俗智分別可說行執相中若由出世無分
 別智通達者可說不行於執相中是故依他
 與分別同一無相如分別依他真實亦如是
 問曰修觀行人能如真實理入分別性照了
 何性耶答曰了真實性問曰修觀行人如真
 實理入真實性照了何性耶答曰了依他性故
 然後得真實性是名通達九若無等者問曰
 若分別性無有何過失答曰若無分別性則
 名言不立名言不立故則依他性不得成就
 乃至淨不淨品並皆不立問曰若無依他性
 有何過失答曰若無依他性一切煩惱不由
 工用應自能滅若爾淨品亦不得成問曰若
 真實性無有何過失答曰若無真實性則一
 切種清淨境不得成故一切者別攝真
 俗盡一切種者通攝真俗故問曰是真實性

者為可立淨為立不淨答曰不可得說定淨
 不淨若定淨者則一切衆生不勞修行自得
 解脫故若定不淨者一切衆生修道即無果
 報若定淨者則無凡夫法若定不淨者則無
 聖人法何以故淨不淨品皆以如為本故若
 其定淨不即無明若其不淨不即般若此兩
 處如性不異故此真如非淨非不淨何以故
 欲顯真如異眼等諸根異禪定心等故異眼
 等諸根者諸根既不被染亦應得同如理清
 淨而不然者以有漏業為因故從本不淨真
 如不爾在於佛地本性清淨無有從本是不
 淨義故異諸根異定心等者定體本性自淨
 可得同真而為四惑所歛故轉成不淨真如
 之理本來清淨則不如是雖復在無明翳中
 終不為彼所汙問曰此三性幾性無體能生
 有體答曰唯分別一性無體能生依他性體
 問曰此幾性有體能生有體答曰唯是依他
 一性有不實體還能生依他體猶如無明生

諸行等問曰此三性幾性有體能生無體答曰真實一性能滅依他令其無體故是名若無等十依止者問曰分別性依何法得成答曰依三法故成何者三一相二名三思惟依此三故分別性立問曰依他性依何得成答曰依四法成四法者謂相名分別聖智等依

此四法故依他性成問曰真實性依何法得成答曰此性無住無著無有依處境無分別

佛性論顯體分如來藏品第三

復次如來藏義有三種應知何者爲三一所攝藏二隱覆藏三能攝藏一所攝名藏者佛說約住自性如如一切衆生是如來藏言如者有二義一如如智二如如境並不倒故名如如言來者約從自性來至來至得是名如來故如來性雖因名應得果名至得其體不二但由清濁有異在因時爲違二空故起無明而爲煩惱所雜故名染濁雖未即顯必當可現故名應得若至果時與二空合無復惑

竭二

六

一

累煩惱不染說名爲清果已顯現故名至得譬言如水性體非清濁但由穢不穢故有清濁名若泥滓濁亂故不澄清雖不澄清而水清性不失若方便澄渟即得清淨故知淨不淨名由有穢無穢故得非開水性自有淨穢應得至得二種佛性亦復如是同一真如無有異體但違空理故起惑著煩惱染亂故名爲濁若不違二空與如一相則不起無明煩惑不染所以假號爲清所言藏者一切衆生悉在如來智內故名爲藏以如如智稱如如境故一切衆生沒無有出如如境者並爲如來之所攝持故名所藏衆生爲如來藏復次藏有三種一顯正境無比離如如境無別一境出此境故二顯正行無比離此智外無別勝智過此智故三爲現正果無比無別一果過此果故故曰無比由此果能攝藏一切衆生故說衆生爲如來藏二隱覆爲藏者如來自隱不現故名爲藏言如來者有二義一者現

如不顛倒義由妄想故名爲顛倒不妄想故名之爲如二者現常住義此如性從住自性來至至得如體不變異故是常義如來性住道前時爲煩惱隱覆衆生不見故名爲藏三能攝爲藏者謂果地一切過恒沙數功德住如來應得性時攝之已盡故若至果時方

竭

七

言得性者此性便是無常何以故非如得故

故知本有是故言常

佛性論辯相分第四自體相品第一

復次佛性一切種相有十義應知言十相者一自體相二因相三果相四事能相五摠攝相六分別相七階位相八遍滿相九無變異相十無差別相一自體相者有二種一者別相二者通相別相有三種何者爲三一者如意功德性二者無異性三者潤滑性所言如意功德相者謂如來藏有五種何等爲五一如來藏自性是其藏義一切諸法不出如來自性無我爲相故說一切諸法爲如來藏

二者正法藏因是其藏義以一切聖人四念處等正法皆取此性作境未生得生已生得滿是故說名爲正法藏三者法身藏至得是其藏義此一切聖人信樂正性信樂願聞由此信樂心故令諸聖人得於四德及過恒沙數等一切如來功德故說此性名法身藏四者出世藏真實是其藏義世有三失一者對治可滅盡故名爲世此法則無對治故名出世二不靜住故名爲世由虛妄心果報念念滅不住故此法不爾故名出世三由有倒見故心在世間則恒倒見如人在三界心中決不得見苦法忍等以其虛妄故名爲世此法能出世間故名真實爲出世藏五者自性清淨藏以秘密是其義若一切法隨順此性則名爲內是正非邪則爲清淨若諸法違逆此理則名爲外是邪非正名爲染濁故言自性清淨藏故勝鬘經言世尊佛性者是如來藏是正法藏是法身藏是出世藏是自性清淨

藏由說此五藏義故如意功德而得顯現佛
為顯此義故說如意寶譬如人以宿業故感
得如意寶珠得此珠已隨其意所樂事自然
得成佛性亦尔由伏事善知識修諸福慧感
得此性便隨修行者意各各自得三乘之果
故如意功德是其別相二無別異性者凡夫

竭二

聖人及諸佛無分別心性過失功德究竟清
淨處平等遍滿譬如虛空又如土銀金器此
三雖異而其性等皆是空空處不別故名無
別異性釋曰言過失者謂凡夫功德者即有
學聖人究竟清淨者即諸佛此三處雖殊而
其性不異此即以土喻凡夫銀喻學者金喻

諸佛雖復三器有異而其空性一種故又是
有情淨遍等三義有者顯無為義清淨顯無
染義遍滿顯無礙義故佛告舍利弗衆生界
不異法身法身不異衆生界由此義故無二
無別唯有名字如是佛性於三位中平等遍
滿由淨不淨品無變異故說如虛空性三

潤滑性者辯如來性於衆生中現因果義由
大悲於衆生輕滑為相故大悲者有三義一
體二大三別異一體義者以般若為體般若
有二一無分別真智二有分別俗智令取有
分別智為大悲體以大悲緣衆生起故二大
義者有五一為資糧一為相三為行處四為
平等五為最極一資糧者能作大福德智慧
二行資糧故二為相者能觀三苦衆生悉濟
拔故三為行處者通三界衆生為境界故四
為平等者為於一切衆生處起平等心故五
最極者過此修外無更勝行故三別異義者
有八種一為自性差別悲無量者以無瞋為
性大悲者以無癡為性二為差別悲者以
苦苦為相大悲者以三苦為相三為行處差
別悲者以欲界為境界大悲者通三界為境
界四為地差別悲者以第四禪為其地大悲
者以無流如來果為其地五境界差別悲者
以凡夫及二乘為境界大悲者唯菩薩與佛

竭二

力

爲境界六爲德差別悲者以離欲欲界德大悲者離欲三界德七爲救濟有差別悲者但有拔苦之心無拔苦事大悲者有心有事八爲究竟不究竟差別悲者能小暫救濟不能真實救大悲者能求救濟恒不捨離故潤滑者潤以顯其能攝義滑者顯其背失向德義譬如水界亦有二能一則能攝散物唯滑不澁故由潤故能攝由滑故不澁故以潤者爲因以滑者爲果故曰現因果義復次自性清淨是其通相義者如前實空水界等譬並自性清淨是其通相故如來性在煩惱中無所染汙故此四相爲四惑障故爲非四人所得故爲四德作本故爲離四倒故爲滅生死對治故故說四相通一別三一通相者唯有自性清淨相三別相者一不可思惟二應得三無量功德是名自體相

佛性論相分明因品第二

復次有四種因能除四障得如來性義應知

四因者一信樂大乘二無分別般若三破虛空三昧四菩薩大悲四障者一憎背大乘二身見計執三怖畏生死四不樂觀利益他事初障闡提二障外道三障聲聞四障獨覺由此四惑能令四人不能得見自性清淨法身若略說世間有三種衆生一樂生死恒有二樂滅生死有三兩俱不樂有滅並忘一樂生死有者復有二種一憎背解脫道無涅槃性快樂生死不樂涅槃二已墮定位者非聖非凡進退無取而是佛法內人背大乘法因此人故佛說是言我非是其師其非我弟子舍利弗此人從輕暗入重暗復從重暗入於盲塔三

暗取暗爲友復取闡提爲友是故我說此人如是二樂滅生死有者有二種一墮非方便二墮方便中就墮非方便復有二一外道謂九十六種二是佛法內人與外道同執約正法起邪執我見故於正教義不能了達因此人故佛說是言若不信樂真空則與外道無

異復次有增上慢人取空爲見是真空實解脫門約此空解脫門起於空執謂一切有無並皆是空此空執者即無所有無所有故因果二諦道理並失執此空過故即墮邪無是等執者由空而起故成邪執一切邪執莫不由空故能滅除此執既依空起故不可治因此人故故佛語迦葉若人起我見執如須彌山大我亦許之何以故以可滅故若此增上慢人所起空執猶如髮端四分之一我急呵責決定不許二墮方便中有二一聲聞人自利修行但爲自度不爲利他二獨覺人於利他心無樂無事但起捨心無樂者不樂利他無事者了無度人之事唯爲自覺自利故但起捨心者捨是平等住心不願利人亦無所損獨自覺悟故言獨覺墮方便聲聞亦尔如末田地及阿斯那二比丘佛涅槃時其皆不往後至迦葉集法藏時被召方出迦葉呵責之言汝爲從佛得聖道不答云實尔又呵責

竭三

士

言汝大過失今去當以佛法付汝任持若不如法罪失屬汝其人甘失懺悔受旨奉行三俱不樂者謂修行大乘最利根人旣不同闡提樂生死有亦不墮非方便中同外道執亦不墮方便中如二乘人是故此人具行生死涅槃平等之道住無住處雖行生死而不染雖行涅槃亦非淨但爲大悲故不捨生死爲般若故不捨涅槃不離涅槃者異聲聞執求住無爲不捨生死者異一闡提樂於生死若樂著生死者名一闡提佛法內人墮定位者亦同闡提如是二人墮在邪定聚中若樂滅生死有者是人墮非方便中則在不定聚若人樂滅生死有是人墮方便中及俱不樂得起前二者修平等道是人在正定聚中離發行大乘修習無障道人之外所餘闡提外道聲聞獨覺等四人有四種障故不見佛性何者四障一憎昔大乘是闡提障爲對治此故佛說菩薩修習信樂大乘之法二於諸法中起

我見執是外道障爲對治此故佛說菩薩修習般若波羅蜜三於生死中定執苦想及狀怖心是聲聞障爲對治此故佛說菩薩修習破空三昧空三昧者從初地以上能得此三昧則破虛空等執入觀之時不即有無不離有無喻如八地真俗雙觀而異八地者八地以上無出入觀初地入時則同出時則異四背衆生利益事作捨衆生意是獨覺障爲對治此故佛說修習菩薩大悲菩薩大悲利他爲事明獨覺人但自觀因緣無度他意故無大悲聲聞亦爾爲滅此四障故以信樂等四種爲因令諸菩薩修習此因得至無上法身清淨波羅蜜是名佛性清淨因如是之人得名佛子是故佛子有於四義一因二緣三依止四成就初言因者有二一佛性二信樂此兩法佛性是無爲信樂是有爲信樂約性得佛性爲了因能顯了正因性故信樂約加行爲生因能生起衆行故二緣者謂般若波羅

蜜能生菩薩身是無爲功德家緣故三依止者破空定等樂有之人執斷無處有樂淨等故菩薩修破空三昧能除彼執由此定力是故菩薩法身堅固則不羸弱四成就者菩薩大悲利益他事無盡故由真如不盡衆生無數故利益事亦復無盡是佛性爲應得家因故一因如父身分二緣如母三依止如胞胎四成就如乳母故諸菩薩由此四義名爲佛子佛性論相分顯果品第三

復次果相義應知果相者有二處一者地前凡聖二位不得四德二者十地諸位地前有如是信樂等四德爲清淨佛性因爲對治四倒如來法身四相功德波羅蜜是其果應知四倒者於色等五陰實是無常起於常見實苦起樂見實無我起我見實不淨起淨見是名四倒者有三義一見所滅二修所滅三非二所滅見眞諦時能除見倒定破思惑能除想倒非二所滅能除心倒爲對治此四說

四無倒何者爲四於色等五陰未有有已有應滅故實無常如實起無常解苦故樂滅苦時苦故捨三時苦故故實是苦於中生苦解無常爲因無常爲果由因果得成以依他執故果不自在因亦如是未有有已有還無既由前因是故依他亦不自在離因果外無別

塔二

十三

餘法爲我是故無我爲實生無我解不淨有二種一色二非色色不淨有三謂初中後初者始入胎和合種子不淨中者出胎已後飲食資養多諸不淨後者捨身已後身體壞時種種不淨故非色者或喜或憂或惡或無記或不離欲諸繫縛等故非色由此等法故不淨是以聖人通觀三界皆是不淨如是五陰如實不淨生不淨解此四皆實是故非倒若約佛性常等四德此四無倒還成顛倒爲對此倒是故安立如來法身四德四德者一常波羅蜜二樂波羅蜜三我波羅蜜四淨波羅蜜如勝鬘經說世尊是諸衆生生顛倒心於

內五取陰無常見常苦中見樂無我見我不淨見淨世尊一切聲聞獨覺由空解未曾見一切智知境如來法身應修不修故若大乘人由信世尊故於如來法身便作常樂我淨等解是人則不名倒名得正見云何如此世尊如來法身是常樂我淨諸波羅蜜若人作是見者名爲正見是如來育子育子者恒在佛心寶故復次如來四德波羅蜜是因次第漸深應知逆說翻後爲前謂淨我樂常由一闡提憎背大乘爲翻彼樂住生死不淨故修習菩薩信樂大乘法得淨波羅蜜是其果應知由一切外道色等五陰無我性類計執爲我而是色等法與汝執我相相違故恒常無我諸佛菩薩由真如智至得一切法無我波羅蜜是無我波羅蜜與汝所見無我相不相違故如來說是相恒常無我是一切法真體性故故說無我波羅蜜是我如經偈說

無我轉成我

諸外道等於五取陰中執見有我爲齷其我執虛妄故修習般若波羅蜜至得最勝無我即我波羅蜜是其果應知由諸聲聞人怖畏生死苦樂住生死苦滅靜中爲齷此樂意故修習破虛空三昧一切相世出世法樂波羅

竭二

十四

蜜是其果應知由獨覺聖人者不觀衆生利益等事但樂獨處靜住爲齷此意故修習菩薩大悲爲利益衆生事乃至窮於生死常所持護常波羅蜜是其果應知如是信樂大乘般若波羅蜜破虛空三昧菩薩大悲等四因能成就如來法身四功德波羅蜜是故佛說由此四德一切如來唯法界爲勝由如虛空取虛空爲邊際極後際之後如是四句現何等義由修習信樂大乘法故諸佛至得最極清淨波羅蜜故佛說唯法界爲勝爲上由修習般若波羅蜜故至得衆生世界器世界極無我波羅蜜五陰名衆生世間即人空國土

四大名器世界即是法空是二空所顯故故說由如虛空爲修習破空三昧等故一切處諸法自在如意應得故取虛空爲邊際由修習菩薩大悲故於諸衆生常起悲心護持無有邊際故說極後際之後後際之後者假令後際有後菩薩大悲亦能過之是故通辯地前聖凡二位不得四德復次十地由四障故未得極果四德金剛後心方乃得之應知何以故以出三界外有三種聖人謂聲聞獨覺大力菩薩住無流界有四種怨障由此四怨障故不得如來法身四種功德波羅蜜四怨障者一方便生死二因緣生死三有有生死

竭二

十五

四無有生死一方便生死者是無明住地能生新無漏業譬如無明生行或因煩惱方便生同類果名爲因緣如無明生不善行若生不同類果但名方便如無明生善行不動行故令無明住地生新無漏業亦尔或生同類或不同類生福行名爲同類以同緣俗故生

智慧行名不同類以智是真慧故是名方便生死二因緣生死者是無明住地所生無漏業是業名爲因緣生死譬如無明所生行是業但感同類不生不同類果善行但生樂果不善但招苦報故名因緣生死方便生死譬凡夫位因緣生死譬須陀洹以上但用故業不生新業三有有生死者是無明住地爲方便無漏業爲因三種聖人是意所生身譬如意取爲緣有漏業爲因三界內生身有有者未來生有更有一生名爲有有如上流阿那含人於第二生中般涅槃者餘有一生故故名有有四無有生死者是三聖意生最後身爲緣是不可思惟退墮譬如生爲緣老死等爲過失是故無明住地爲一切煩惱所依止處而一切煩惱通名無明者以無明爲衆惑根本根本旣未滅盡由爲一切煩惱垢穢薰習故阿羅漢辟支佛及自在菩薩不能至得無所染汙大淨波羅蜜復次依此緣此無

能至得極無別異老死等大常波羅蜜復次應知無明住地如煩惱難無漏業如業難三種意生身如果報難不可思惟退墮如過失難若在三種意生身中則無常樂我淨波羅蜜故如來法身是常等四波羅蜜以如來法身一切煩惱習氣皆滅盡故是名極淨一切

竭二

十六

我無我虛妄執滅息故故名大我意所生身因果究竟盡故故名大樂生死涅槃平等通達故故名大常復次四德各有二緣義應知初有二因緣故說如來法身有大淨波羅蜜一者本性清淨名爲通相二者無垢清淨故名別相本性清淨通聖凡有故名爲通無垢

清淨但佛果有所以名別復有二種因緣說如來法身有大我波羅蜜一由遠離外道邊見執故無有我執二由遠離二乘所執無我

邊故則無無我妄執兩執滅息故說大我波羅蜜復有一種因緣說如來法身有大樂波

羅蜜一由一切苦集相滅盡無餘故拔除習氣相續盡故二由一切苦滅相證得故三種意生身滅不更生故苦滅無餘是名大樂波羅蜜復有二種因緣說如來法身有大常波羅蜜一無常生死不損減者遠離常邊由離此斷常二住涅槃無增益者遠離常邊由離此斷常二執故名大常波羅蜜故勝鬘經說若見諸行無常是名斷見不正見若見涅槃常住是名

常見非是正見是故如來法身離於二見名爲大常波羅蜜由此如實法界道理門故即是涅槃即是生死不可分別即是得入不二法門亦不一不二住無住處故由滅諸惑不住生死由本願故不住涅槃由般若故諸惑

竭三

十七

得滅由大悲故本願得成故不可思量經偈中說

諸感成覺分 生死成涅槃 修習大方便

諸佛叵思議

佛性論相分事能品第四

復次事能相義應知此清淨性事能有二一

於生死苦中能生厭離二於涅槃欲求樂願若無清淨之性如是二事則不得成故經中說世尊若無如來藏於生死苦無厭離意亦無欲求樂願之心故不定聚衆生起此二事爲用一於生死苦觀於過失爲依止處生不定聚衆生厭離心故二於涅槃樂觀於功德爲依止處生生不定衆生欲求樂願欲求願樂是四種心云何爲異初欲者名信信有四種一信有二信不可思議三信應可得四信有無量功德具是四義故名爲欲二求者爲至得此法心恒勤求無有退悔名之爲求三樂者思擇如不如方便如方便者謂涅槃不

如方便謂生死思擇涅槃不求速證思擇生死不求捨離故名爲樂四願者從今發願第未來際恒以願攝一切衆生未曾捨離隨所行道並入菩提願海所攝以自利故不捨涅槃爲利他故不捨生死故有二觀一於生死觀苦過失二於涅槃觀樂功德故淨分人由

清淨性此觀得成言淨分者一福德分二解

脫分三通達分福德分者宿世善根能感此身具足諸根爲受法器解脫分者已下功德種子能感未來世中解脫果報通達分者由聖道故能通達真如是名淨分是人由淨分爲緣淨性爲因故成此觀非無因緣若不由於此二事成觀無因緣如闡提人無涅槃性應得此觀而一闡提既無此觀故知定須因緣觀方可現是清淨性不爲客塵之所染汙隨三乘中未起一乘信樂又復未能親事善知識等乃至四種聖輪亦未相應言四輪者一住如法國土二依善知識三調伏自身四

宿植善根輪有三義一者未得令得令不失二者能度從此至彼從他相續至自相續從自相續復至於他三者能載爲能從生死得至涅槃一住善處者即是能修正行善人所住之處若於中住恒見此人故得覺意覺者覺悟意者善心因此受持善法等事故佛說偈言

無知無善識 惡友損正行 蜘蛛落乳中
是乳轉成毒

是名應住如法國土二近善友善友者有七
分如偈言

能施重可信 能說能忍受 說深爲善友
安弟子善處

七分者一能施由能施故令他憐愛愛故尊重故可信可信故能說由能說故能忍受外難能忍受故能說深理利於善友由說深法故能安善友置於善處若有能備此七德者可堪依止爲善知識若總論此七不出三義

一樂憐愍二聰明三堪忍三義若少一種則非善友若但憐愍不能聰明譬如父母雖念子病不能救治若但聰明無慈愍者如怨家師不治他疾若不能堪忍則自行不足憐愍聰明亦不成就故離雖七種合不出三能施尊重可信此三屬憐愍攝能說及說深理此

竭三

充

二屬聰明攝能忍屬堪忍攝安善處並通三種其聰明者表離愚癡能堪忍者表異凡夫三憐愍者表異二乘唯佛世尊備此三德故堪爲衆生真善知識三調伏自身心者如正教行聞時無散亂心思時無輕慢心修時無顛倒心若不自調伏身心者善處善友則無所用四宿植善根者以爲解脫分故修善根善根者謂信戒聞捨智信者不離三寶正念戒者爲不離善道聞者自聞令他聞不令他倒聞不障他聞因四聞故今世得聞及思修等可爲法器三慧具足捨者有二一由昔捨物施他今則損於貪受二由昔捨法施人今

則輕滅無明由此捨故貪愛無明並稍輕薄以是因緣得解脫果智者是人先世已曾思擇三寶四諦故於此生得世正見乃至盡智及無生智如是之人雖具三輪若無宿善今生五根則不具足便是生於八難等處故知若無宿世善根則前三輪無所復用總此四義譬之爲輪四若少一輪則不成解脫之名無由得立由此四法和合故能得解脫道者如輪能運能轉至解脫時無復此能如聖王輪備有四物所謂轂輞軸若無此四輪則不成以是義故若未與四輪相應者是時耽離生死觀及涅槃功德觀並不得成故經中說一闡提人墮邪定聚有二種身一本性法身二隨意身佛日慧光煥此二身法身者即真如理隨意身者即從如理起佛光明爲憐愍闡提闡提二身者一爲令法身得生二爲令加行得長修菩提行故觀得成復有經說闡提衆生汝無般涅槃性若尔二經便自相

違會此二說一了一不了故不相違言有性

者是名了說言無性者是不了說故佛說若不信樂大乘名一闡提欲令捨離一闡提心

故說住闡提時決無解脫若有衆生有自性清淨永不得解脫者無有是處故佛觀一切衆生有自性故後時決得清淨法身故經偈言

于未

聰明人次第數數細細修除滅自身垢

如金師練金

聰明人次第者明此人有解不倒修能如次學數數者時無斁捨恒自研求細細者從微至著如聞思修慧細細而習除滅自垢者稍除無明重輕諸惑令清淨本性永得顯現故

說猶如金師能練於金除諸滓朴金得淨光

明

佛性論卷第二

竭二

歟徒取反馨苦角淳側史澄渟下音亭羸弱
上力垂反胞胎上必叵定我反蜘蛛上音谷下音知輻軸上音福下音逐

佛性論卷第三

天親菩薩說 陳三藏法師真諦譯

竭三

復次摠攝義應知攝有二種一者由因二者

由果由因攝者是如來性清淨有四種因三種法與三譬相似故取海爲喻三法者一法

乙

奉明

身清淨因二佛智德生因三佛恩德因法身清淨因者修習信樂大乘應知佛智德生因

者修習般若及禪定應知恩德因者修習菩薩大悲應知修習信樂大乘者與器相應此中有無量定慧大寶所遍滿故故說與器相似修習般若禪定與寶相似者般若無分別

故禪定不可思惟功德所依止故般若如淨寶禪定如意寶修習菩薩大悲如清淨水於一切世間衆生潤滑一味故譬如大海唯一鹹味菩薩大悲潤諸衆生亦復如是故此三法於因地中爲所依能依故說摠攝名如來法海是名因攝次由果攝者明如來法身